

ერთი მხრივ, *სსიპ შოთა მესხიას ზუგდიდის სახელმწიფო სასწავლო უნივერსიტეტი* (შემდგომში, ხელშეკრულების ტექსტში – შემსყიდველი), მისი უფლებამოსილი წარმომადგენლის, ადმინისტრაციის ხელმძღვანელის ზაალ ქორთუას სახით და მეორე მხრივ, *შპს „ახალი ქსელები“* (შემდგომში, ხელშეკრულების ტექსტში – მიმწოდებელი), მისი უფლებამოსილი წარმომადგენლის, დირექტორის ნანა შარაშენიძის სახით, ორივე ერთად წოდებული როგორც – მხარეები, „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თვმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მოთხოვნათა გათვალისწინებით, გამარტივებული შესყიდვის საშუალებით, ვდებთ ამ ხელშეკრულებას (შემდგომში, ხელშეკრულების ტექსტში – ხელშეკრულება) შემდეგზე:

1. ხელშეკრულების საგანი

- 1.1. ხელშეკრულების საგანია, ეკონომიკური საქმიანობით მიღებული სახსრებით, შემსყიდველის მიერ მიმწოდებლისაგან „DSL“-ის ტექნოლოგიისა და შესაბამისი აპარატურის გამოყენებით (ციფრული სააბონენტო ხაზის ორგანიზება არსებული სატელეფონო წყვილის გამოყენებით) *ინტერნეტმომსახურების* (შემდგომში, ხელშეკრულების ტექსტში – მომსახურება) შესყიდვა (CPV კოდი: 72400000 - ინტერნეტმომსახურებები), „მინიმალური“ პაკეტით (დანართი №1).
- 1.2. მიმწოდებელი ვალდებულია კისრულობს გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად, ხოლო შემსყიდველი ვალდებულია კისრულობს აუნაზღაუროს მიმწოდებელს გაწეული მომსახურების ღირებულება, ხელშეკრულების პირობებში ასახულ ვადებში და ფორმით.

2. ხელშეკრულების ღირებულება

- 2.1. ციფრული სააბონენტო ხაზის მომსახურების ყოველთვიური გადასახადი განისაზღვრება 22 (ოცდაორი) ლარიანი ტარიფით.
- 2.2. გასაწევი მომსახურების მთლიანი ღირებულება (სააბონენტო გადასახადი), არჩეული პაკეტის შესაბამისად (სულ 8 პაკეტი), შეადგენს: **528 (ხუთას ოცდარვა) ლარს** (შემდგომში, ხელშეკრულების ტექსტში – ხელშეკრულების ღირებულება).

შენიშვნა ⁽¹⁾: ერთი სააბონენტო თვე ემთხვევა კალენდარულ თვეს.

შენიშვნა ⁽²⁾: მომსახურების ტარიფი შეიძლება შეიცვალოს (შემცირდეს/გაიზარდოს) მომსახურების თვითღირებულების ცვლილებათა შესაბამისად. აღნიშნული ცვლილებების, ან/და ხელშეკრულებაში შეტანილი ნებისმიერი ცვლილების შესახებ, მიმწოდებელი ინფორმაციას აქვეყნებს თავის ვებგვერდზე და იგი ძალაში შედის გამოქვეყნებიდან მე-10 დღეს. ამასთან, საქართველოს კომუნიკაციების ეროვნული კომისიის №3 დადგენილების მე-4 მუხლის მე-6 პუნქტით გათვალისწინებულ შემთხვევებში შემსყიდველს ეგზავნება ინდივიდუალური შეტყობინება.

3. მომსახურების გაწევის პირობები

- 3.1. წინამდებარე ხელშეკრულებით გათვალისწინებული მომსახურება გაწეული უნდა იქნეს ციფრული სააბონენტო ხაზის (DSL-ის ჩართვის) მოწყობის დღიდან 2017 წლის 31 დეკემბრის ჩათვლით.
- 3.2. მიმწოდებელი ხელშეკრულებით გათვალისწინებული მომსახურების გაწევის მიზნით, შემსყიდველს დროებით სარგებლობაში გადასცემს თავის კუთვნილ აპარატურას, რომლის ჩამონათვალი და ღირებულება მოცემულია „შემსყიდველსა და მიმწოდებელს შორის გაფორმებულ მიღება-ჩაბარებისა და დაზიანებული მოწყობილობის შეცვლის შესახებ აქტში“.
- 3.3. შემსყიდველს შეუძლია, სურვილის შემთხვევაში, მიმწოდებლისაგან შეიძინოს შემსყიდველსა და მიმწოდებელს შორის გაფორმებულ „მიღება-ჩაბარებისა და დაზიანებული მოწყობილობის შეცვლის შესახებ“ აქტში მითითებული მიმწოდებლის კუთვნილი აპარატურა. ასეთ შემთხვევაში, მხარეები ადგენენ მიღება-ჩაბარების აქტს, რაც წარმოადგენს შემსყიდველის საკუთრებას და ხელშეკრულების მოშლის შემთხვევაში, არ ექვემდებარება მიმწოდებლისთვის დაბრუნებას.
- 3.4. იმ შემთხვევაში, თუ შემსყიდველის ინტერნეტ ქსელში ჩართვისთვის საჭიროა დამატებითი მოწყობილობა და მასალა (ქსელის კაბელი, ფილტრი, სატელეფონო კაბელი 20 მ-ზე მეტი), შემსყიდველი იხდის დამატებითი მოწყობილობის/მასალის საფასურს „მიღება-ჩაბარებისა და დაზიანებული მოწყობილობის შეცვლის შესახებ აქტის“

საფუძველზე, რაც წარმოადგენს შემსყიდველის საკუთრებას და ხელშეკრულების მოშლის შემთხვევაში, არ ექვემდებარება მიმწოდებლისთვის დაბრუნებას.

- 3.5. მომხმარებლის მიერ სტანდარტული პაკეტისაგან განსხვავებული მომსახურების მიღების სურვილის შემთხვევაში, შემსყიდველსა და მიმწოდებელს შორის გაფორმდება დამატებითი შეთანხმება, რომელიც იქნება ამ ხელშეკრულების განუყოფელი ნაწილი.
- 3.6. მომსახურების გაწევის პარალელურად, მიმწოდებელი ვალდებულია უზრუნველყოს თანხლები დოკუმენტაციის წარდგენა შემსყიდველისთვის (საგადასახადო ანგარიშგაქტურა ან/და კანონმდებლობით დაშვებული სხვა დოკუმენტი).

4. მომსახურების ხარისხი

- 4.1. ციფრული სააბონენტო ხაზის (DSL) მომსახურების ხარისხი უნდა შეესაბამებოდეს არსებულ სტანდარტებს (იმ პარამეტრებს, რომელიც ხელშეკრულებით ან მისი დანართით მიეწოდება შემსყიდველს).
- 4.2. ინტერნეტ მომსახურების გარანტირებულად გამოყოფილი სიმძლავრეების (მომსახურების მოცულობის) ქვედა და ზედა ზღვრების ოდენობის შეფასების, ასევე, ამ სიმძლავრეების გაზომვის მიზნით, შემსყიდველს შეუძლია შევიდეს ინტერნეტ საიტზე: <http://newnet.speedtest.net> და შესაბამის დილაკზე – „Start Now“ დაჭერით მიიღოს ზემოაღნიშნული ინფორმაცია.

5. მიღება-ჩაბარების წესი

- 5.1. მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების შემდეგ.
- 5.2. ხელშეკრულებით გათვალისწინებული მომსახურების მიღებას ახორციელებენ შემსყიდველისა და მიმწოდებლის მიერ საამისოდ უფლებამოსილი წარმომადგენლები, რომლებიც გაწეული მომსახურების მიღების შედეგების მიხედვით აფორმებენ მიღება-ჩაბარების აქტს.

6. ანგარიშსწორების ფორმა და წესი

- 6.1. ანგარიშსწორება განხორციელდება უნაღდო ანგარიშსწორების წესით, თანხის გადარიცხვის ფორმით მიმწოდებლის საბანკო ანგარიშზე, რომელიც მითითებულია წინამდებარე ხელშეკრულებაში.
- 6.2. ანგარიშსწორებას შემსყიდველი განხორციელებს მიღება-ჩაბარების აქტისა (ასეთის არსებობის შემთხვევაში) და საგადასახადო ანგარიშგაქტურის (ან კანონმდებლობით დაშვებული სხვა დოკუმენტის) წარდგენის საფუძველზე.

7. მხარეთა უფლება-მოვალეობანი

7.1. შემსყიდველი ვალდებულია:

- 7.1.1. უზრუნველყოს გაწეული მომსახურების მიღება და შესაბამისი ანაზღაურების გადახდა მიმწოდებლისათვის, წინამდებარე ხელშეკრულების პირობათა სრული დაცვით.
- 7.1.2. მომსახურების საფასური გადაიხადოს სრულად, მომსახურების მიღების დღეს. იმ შემთხვევაში, თუ შემსყიდველმა არასრულად გადაიხადა მომსახურების საფასური, მომსახურება მიეწოდება გადახდილი თანხის პროპორციულად, ბალანსის ამოწურვამდე.
- 7.1.3. თუ შემსყიდველს შეუჩერდა მომსახურება ბალანსის ამოწურვის გამო, გადაიხადოს მიწოდებული ინტერნეტ პაკეტის სრული ღირებულება.
- 7.1.4. ხელშეკრულების ვადამდე ან ვადის ამოწურვის გამო შეწყვეტიდან 5 დღის ვადაში მიმწოდებელს ჩააბაროს მიღება-ჩაბარების აქტში მითითებული აპარატურა (თავად უზრუნველყოს დემონტაჟი) იმავე მდგომარეობაში, რა მდგომარეობაშიც მიმწოდებლისგან ჩაიბარა (აპარატურის მისაღები ცვეთის გათვალისწინებით), რაც გაფორმდება მიღება-ჩაბარების აქტით.
- 7.1.5. მიმწოდებლის მიერ დროებით სარგებლობაში გადაცემული მოწყობილობები დაიცვას და შეინახოს, როგორც საკუთარი. იმ შემთხვევაში, თუ მის მიერ აპარატურა იქნება დაზიანებული (მ.შ. საიდენტიფიკაციო კოდის აცლა), ან დაკარგული აუნაზღაუროს მიმწოდებელს მიღება-ჩაბარების აქტით განსაზღვრული ღირებულება.
- 7.1.6. დაუშვას მიმწოდებლის წარმომადგენელი თავის ტერიტორიაზე, როგორც მომსახურების მიწოდებისათვის საჭირო მოსამზადებელი სამუშაოების ჩატარების, დაზიანების აღმოფხვრის, ასევე საჭიროების შემთხვევაში აპარატურის დემონტაჟის მიზნით.
- 7.1.7. მომსახურების შეწყვეტის ან შეფერხების შემთხვევაში, დაუყოვნებლივ (მაქსიმუმ ორი დღის ვადაში) აცნობოს ამის შესახებ მიმწოდებელს წერილობით ან ზეპირად მიმწოდებლის ცხელ ხაზზე, ფიქსირებული ქსელიდან 11 00 00 ან მობილური ტელეფონიდან 0800 00 5050 (თბილისი) 0800 00 50 51 (ქუთაისი), ხარი უფასოა.
- 7.1.8. მიმწოდებლის საინფორმაციო ბაზაში დაფიქსირებული საკონტაქტო მონაცემების ან ელექტრონული ფოსტის შეცვლის შემთხვევაში, აცნობოს მიმწოდებლის საინფორმაციო სამსახურს 7.1.7 პუნქტში მითითებულ ნომრებზე.
- 7.1.9. მიმწოდებლის კუთვნილი აპარატურა გამოიყენოს მხოლოდ ხელშეკრულებით გათვალისწინებული მომსახურების მიღების მიზნით. დაუშვებელია მიმწოდებლის კუთვნილი აპარატურის სხვა პირისთვის გადაცემა.

- 7.1.10. აპარატურის მწყობრიდან გამოსვლის შემთხვევაში, დაუყოვნებლივ აცნობოს მიმწოდებელის საინფორმაციო სამსახურში (110000).
- 7.1.11. დაიცვას აპარატურის ექსპლუატაციისა და შენახვის წესები.
- 7.1.12. არ გამოიყენოს ინტერნეტ მომსახურება უკანონო მიზნებისათვის, არ მიიღოს და არ გამოიყენოს ის უკანონო გზით. ექსპლუატაციაში გაუშვას მოწყობილობა, რომელიც საჭიროა მომსახურების უზრუნველსაყოფად, ტექნიკური უსაფრთხოების დაცვით და ისარგებლოს სერთიფიცირებული აპარატურით.

7.2. შემსყიდველი უფლებამოსილია:

- 7.2.1. მიმწოდებლისგან მოითხოვოს მომსახურების გაწევა, ხელშეკრულებით დადგენილი პირობებითა და განსაზღვრულ ვადაში.
- 7.2.2. მიმწოდებელის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.
- 7.2.3. მიიღოს უფასო კონსულტაციები და გამოიძახოს ტექნიკური ჯგუფი ადგილზე ტელეფონის ნომრით: ფიქსირებული ქსელიდან 11 00 00 ან მობილური ტელეფონიდან 0800 00 50 50 (თბილისი) 0800 00 50 51 (ქუთაისი), ზარი უფასოა.

7.3. მიმწოდებელი ვალდებულია:

- 7.3.1. ხელშეკრულებით დადგენილ ვადაში, ხელშეკრულებით დადგენილი პირობებით გასწიოს მაღალკვალიფიციური მომსახურება.
- 7.3.2. ხელშეკრულების მოქმედების პერიოდში შემსყიდველს წარუდგინოს გაწეულ მომსახურებასთან დაკავშირებით ნებისმიერი სახის ინფორმაცია და დოკუმენტ(ებ)ი.
- 7.3.3. საკუთარი ხარჯებით უზრუნველყოს შემსყიდველის მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია გაწეული მომსახურებიდან.
- 7.3.4. დაუყოვნებლივ აცნობოს შემსყიდველს იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ მომსახურების გაწევაზე.
- 7.3.5. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.
- 7.3.6. ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს შემსყიდველს, შესაბამისი თანხმობის მისაღებად.
- 7.3.7. უზრუნველყოს წინამდებარე ხელშეკრულებით განსაზღვრული პირობებით მომსახურების მიწოდება.
- 7.3.8. შეასრულოს ხელშეკრულებით ნაკისრი ვალდებულებები ჯეროვნად, დროულად და ხარისხიანად.
- 7.3.9. შემსყიდველს მიაწოდოს მომსახურება, მასთან დამონტაჟებულ მოდემზე მიერთებულ მხოლოდ ერთ კომპიუტერზე.
- 7.3.10. შემსყიდველის მიერ აპარატურის დაზიანების ან დაკარგვის შემთხვევაში, შეადგინოს შესაბამისი აქტი, რასაც შემსყიდველი ადასტურებს ხელმოწერით. ხელმოწერაზე უარის განცხადების შემთხვევაში, მიმწოდებელის წარმომადგენელი უფლებამოსილია, დააფიქსიროს უარის მიზეზი.
- 7.3.11. მომსახურების შეწყვეტის ან შეფერხების შესახებ საინფორმაციო სამსახურში შეტყობინების ან წერილობითი განაცხადის მიღებისთანავე, ინფორმაცია დაზიანების შესახებ გადასცეს შესაბამის სამსახურს მომსახურების შეწყვეტის ან შეფერხების ტექნიკური მიზეზების დასადგენად და უმოკლეს ვადებში აღმოფხვრას იგი.
- 7.3.12. შემსყიდველის განცხადება მომსახურების შეწყვეტის ან შეფერხების გამო მიმდინარე თვის გადასახადის გადაანგარიშების შესახებ, გადასცეს საფინანსო სამსახურს, რომელიც ტექნიკური სამსახურის მიერ დაზიანების, კომუნიკაციების ეროვნული კომისიის მიერ მიღებული რეგლამენტის (2006 წლის 17 მარტის დადგენილება №3) მე-18 მუხლით განსაზღვრულ ვადაზე მეტი ხნით დადასტურების შემთხვევაში, თანახმად ამავე რეგლამენტის 21-ე მუხლის მე-2 პუნქტისა, მოახდენს გადაანგარიშებას, თუ შემსყიდველის მიერ შესასრულებელი იყო 7.1.6 პუნქტით დაკისრებული ვალდებულება.

7.4. მიმწოდებელი უფლებამოსილია:

- 7.4.1. შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.
- 7.4.2. თუ შემსყიდველის ანგარიშზე არ ირიცხება დადებითი ნაშთი, შეუჩეროს მომსახურების გაწევა, მიწოდებული ინტერნეტ პაკეტის ღირებულების სრული თანხის გადახდამდე;
- 7.4.3. თუ შემსყიდველის მომსახურების შეჩერებიდან 45 დღის ვადაში არ გადაიხდის მის მიერ არჩეული ინტერნეტ პაკეტის ღირებულების სრულ თანხას და ხელახალი ჩართვის საფასურს 1 (ერთი) ლარს, წინამდებარე ხელშეკრულება ცალმხრივად შეწყვიტოს.
- 7.4.4. შემსყიდველის მიერ ხელშეკრულების 7.1.1 პუნქტის შეუსრულებლობის შემთხვევაში, ათი დღის მანძილზე მოახდინოს აპარატურის დემონტაჟი.

8. უფლებების გადაცემა

8.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

9. ხელშეკრულების პირობების გადასინჯვის შესაძლებლობა

9.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ, ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

10. ხელშეკრულების შესრულების შეფერხება

10.1. ხელშეკრულების შესრულების პროცესში, მხარეთ წინაშე წარმოშობილი დაბრკოლების გამო, ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. ხოლო შეტყობინების მიმღები მხარე კი ასევე, დაუყოვნებლივ აცნობებს თავის გადაწყვეტილებას, აღნიშნულ გარემოებებთან დაკავშირებით.

10.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

11. ხელშეკრულების პირობების შეუსრულებლობა (პასუხისმგებლობა)

11.1. ფორს-მაჟორული პირობების გარდა, მიმწოდებლის მიერ ხელშეკრულებით ნაკისრი ვალდებულებების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, საქართველოს მოქმედი კანონმდებლობითა და წინამდებარე ხელშეკრულებით გათვალისწინებული წესით.

11.2. ზიანის ანაზღაურების პირობები განისაზღვრება საქართველოს კონსტიტუციით, სამოქალაქო კანონმდებლობით, საქართველოს კანონებით „მეწარმეთა შესახებ“, „ელექტრონული კომუნიკაციების შესახებ“, „მომხმარებელთა უფლებების დაცვის შესახებ“, „ელექტრონული კომუნიკაციების სფეროში მომსახურების მიწოდების წესებისა და მომხმარებელთა უფლებების დაცვის შესახებ“ რეგლამენტით და სხვა მოქმედი საკანონმდებლო თუ კანონქვემდებარე ნორმატიული აქტებით, რომლებიც ამ ხელშეკრულებით არეგულირებს ურთიერთობას მხარეებს შორის.

11.3. მიმწოდებელი არ აგებს პასუხს არაპირდაპირ, მათ შორის იმ ზარალზე, რომელიც შეიძლება მიადგეს შემსყიდველს ან მის, როგორც ინტელექტუალურ, ასევე მატერიალურ ფასეულობას გარე ქსელიდან მესამე პირის მიერ ორგანიზებულ წინასწარ განსაზღვრულ (ან შემთხვევით) ჩარევის შედეგად.

11.4. შემსყიდველი აცნობიერებს და თანახმაა, მისი ვალდებულებების შესრულების გარანტიას წარმოადგენს მის სახელზე რიცხული მიმწოდებლის კუთვნილი სატელეფონო ნომერი.

11.5. მიმწოდებელი არ არის პასუხისმგებელი, თუ მიწოდებული მომსახურების შეზღუდვა ან გათიშვა გამოწვეულია შემსყიდველის კუთვნილი აპარატურის გაუმართაობით.

11.6. მომსახურების ვადების დარღვევის შემთხვევაში, თუ სხვა ვადებს მხარეები არ შეათანხმებენ წერილობით, ყოველი დაგვიანებული დღისათვის მიმწოდებელს ეკისრება პირგასამტეხლო, ხელშეკრულების ღირებულების 0,02%-ის ოდენობით.

11.7. მიმწოდებლის მიერ ხელშეკრულებით გათვალისწინებული პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოსთხოვოს მიმწოდებელს საჯარიმო თანხის გადახდა, ხელშეკრულების საერთო ღირებულების 20%-ის ოდენობით.

11.8. პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

12. ხელშეკრულების მოქმედების შეწყვეტა

12.1. შემსყიდველი უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შესასრულოს მომსახურება ან მისი ნაწილი;

12.1.2. თუ მიმწოდებელს არ შეუძლია შესასრულოს ხელშეკრულებით გათვალისწინებული, რომელიმე ვალდებულება;

- 12.1.3. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 12.1.4. მიმწოდებლის გადახდისუნარიობის ან გაკოტრების შემთხვევაში;
- 12.1.5. საქართველოს კანონმდებლობით გათვალისწინებულ სხვა შემთხვევებში.
- 12.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 3 (სამი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 12.3. ხელშეკრულების ცალკეული პირობების მოქმედების შეწყვეტა, არ ათავისუფლებს მიმწოდებელს დანარჩენი ვალდებულებების შესრულებისგან.
- 12.4. ამ მუხლის 12.1. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.
- 12.5. მხარეთა შორის გაფორმებული მიღება-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.
- 13. ფორს-მაჟორი**
- 13.1. ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან ან/და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ტვირთის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 13.4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებულნი არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 13.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 13.6. ფორს-მაჟორული გარემოებების არსებობის პირობებში, ხელშეკრულების შესრულების ვადა გადაიწვეს შესაბამისი დროით, თუ მხარეთა შორის არ იქნა მიღწეული სხვაგვარი შეთანხმება.
- 13.7. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 14. დავების გადაწყვეტის წესი**
- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილი იქნეს ორივე მხარის ერთობლივი მოლაპარაკების საფუძველზე.
- 14.2. შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.
- 15. ხელშეკრულების ინსპექტირების პირობები**
- 15.1. ხელშეკრულების კონტროლის, გასაწევი ან გაწეული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელებისა და მიღება-ჩაბარების აქტ(ებ)ის გაფორმებისა და ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირების საკითხებში მიმწოდებელთან ითანამშრომლებს შემსყიდველის მიერ ამისათვის გამოყოფილი ინსპექტირების ჯგუფი, შემდეგი შემადგენლობით: ბეჟან აკობია – სსიპ შოთა მესხიას ზუგდიდის სახელმწიფო სასწავლო უნივერსიტეტის მატერიალური რესურსების მართვის სამსახურის უფროსი; დიმა სიჭინავა – სსიპ შოთა მესხიას ზუგდიდის სახელმწიფო სასწავლო უნივერსიტეტის კომპიუტერული ლაბორატორიების გამგე.

16. დასკვნითი დებულებანი

- 16.1. საკითხები, რომლებიც არ არის რეგულირებული წინამდებარე ხელშეკრულებით, წყდება საქართველოს მოქმედი კანონმდებლობის საფუძველზე.
 - 16.2. ხელშეკრულების დებულებებში ცვლილებების ან/და დამატებების შეტანა შესაძლებელია მხოლოდ მხარეთა შორის ურთიერთშეთანხმების საფუძველზე, წერილობითი გაფორმების შედეგად.
 - 16.3. ხელშეკრულების ერთ-ერთი მხარის მიერ, ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ამ უფლებაზე უარის თქმას.
 - 16.4. ამ ხელშეკრულების რომელიმე პუნქტის (ან მისი ნაწილის) გაუქმება არ იწვევს დანარჩენი პუნქტების გაუქმებას.
 - 16.5. მხარეთა შორის ნებისმიერი შეტყობინება საჭიროებს წერილობით ფორმას. მხარეთა შორის ზეპირი შეტყობინებები ან/და შეთანხმებები სადაოობის, ურწმონოების ან უზუსტობების შემთხვევაში იურიდიული ძალის არმქონეა.
 - 16.6. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2018 წლის 1 თებერვლამდე. თუ, ამ თარიღისათვის არ არის შესრულებული რომელიმე ვალდებულება ხელშეკრულება ავტომატურად გაგრძელდება მხარეთა მიერ ნაკისრი ვალდებულებების სრულად და ჯეროვნად შესრულების მომენტამდე.
 - 16.7. წინამდებარე ხელშეკრულება შედგენილია ქართულ ენაზე, სამ თანაბარუფლებიანი ძალის მქონე ეგზემპლარად და ინახება მხარეებთან (ორი ეგზემპლარი შემსყიდველთან, ხოლო ერთი პირი მიმწოდებელთან).
17. მხარეთა მისამართები, საბანკო რეკვიზიტები და ხელმოწერები

შე მ ს ყ ი დ ვ ე ლ ი :

სსიპ შოთა მესხიას ზუგდიდის სახელმწიფო სასწავლო უნივერსიტეტი, იურიდიული და ფაქტიური მისამართი – ქ. ზუგდიდი, ჯანაშიას ქ. №14, საინდენტიფიკაციო კოდი: 220407888, საბანკო რეკვიზიტები: მიმღები ბანკი - სახელმწიფო ხაზინა, ბანკის კოდი: TRESGE22, ანგარიშის ნომერი/სახაზინო კოდი: 32040510

ადმინისტრაციის

ხელმძღვანელი:



მ ი მ წ ო დ ე ბ ე ლ ი :

შპს „ახალი ქსელები“, იურიდიული და ფაქტიური მისამართი – ქ. თბილისი, ჯ. პოლიტკოვსკაიას ქ. 42, საინდენტიფიკაციო კოდი: 211 326 732, საბანკო რეკვიზიტები: სს „თიბისი“ ბანკი, ბანკის კოდი: TBCBGE22, ანგარიშის ნომერი: GE16 TB11 0000 0021 4677 54

შპს „ახალი ქსელების“

დირექტორი: /ნ. შარაშენიძე/



დანართი №1

ინტერნეტმომსახურების ტარიფები
(ფასები მოცემულია ლარში, დღგ-ს ჩათვლით)

სატელეფონო ნომერი	ოპტიკა	სიჩქარე	ტარიფი
415269904	მინიმალური	20მგბ/წმ	22 ლარი
415269905			
415269906			
415269907			
415269908			
415269909			
415269910			
415269911			

ADSL	სიჩქარე	გარანტირებული სიჩქარე (გლობალური)	ტარიფი
მინიმალური	2 მგბ/წმ - 5 მგბ/წმ	2 მგბ/წმ	22 ლარი

შემაჯავებელი

სსიპ შოთა მესხიას ზუგდიდის სახელმწიფო სასწავლო უნივერსიტეტი
იურიდიული და ფაქტიური მისამართი –
ქ. ზუგდიდი, ჯანაშიას ქ. №14
საინტენტიფიკაციო კოდი: 220407888

ადმინისტრაციის

ხელმძღვანელი: /ნ. ქორთუა/



მიმწოდებელი

შპს „ახალი ქსელები“

იურიდიული და ფაქტიური მისამართი – ქ. თბილისი,
ა. პოლიტკოვსკაის ქ. 42
საიდენტიფიკაციო კოდი: 211 326 732

შპს „ახალი ქსელების“

დირექტორი: /ნ. შარაშენიძე/

